

DEO OPTIMO MAXIMO
VIRGINI DEIPARÆ ET SANCTO LVCE ORTHODOXORVM MEDICORVM PATRONO.

QVÆSTIO MEDICA
QVOD LIBETARIIS DISPVATIONIBVS DISCVTIENDA
IN SCHOLIS MEDICORVM, DIE IOVIS XVI. DECEMBRIS HORA IX. MATVTINA
M. IACOBO BAILLIF DOCTORE MEDICO MODERATORE.

An soporari malum?

18.

D E SCENDAT in seipsum, qui naturæ suæ, eximias dotes, ornamenta egregia, dignitatem vultu feruari. Ratio, intelligentia, memoria, pleraque alia, microcosmum diuinitatis esse conforment, originemque à summo rerum opifice accepisse declarant: spiraculum vitæ si quidem ab eo accepit, adque eius imaginem fuit efformatus: non ob figuram formamve, sed ob animam rationalem substantia incorpoream, ab omni mortali contagione immunem, sicut interitus: quæ ex diuinæ mentis archetypo, in seculum legitime conformatum transmittitur, omnis omnino æqualis perfectionis, quam dum florentem ætatis statum est assequuta: licet aliquando suas ritè non obeat functiones, nullo modo in seipsa labefactatur. Vitium in organa, humores, vaporesque est refundendum, quæ omnia concretionem materiæ terrenamque compagem, mortalem, caducam redolent. Vis eius æqualiter per omnes corporis partes est diffusa: in cerebro tamen lucet splendidius partium omnium hominis præstantissima, throno sapientiæ, vinculi corporis cum anima dignissimo opifice: cuius temperies si violata sit, aut inepta sint organa vel impedita, actionum splendor obscuratur; quasi nube densa radij solis.

S O L orbem nostrum, lumine continuo non illustrat, licet non quiescat; sic anima nostro in corpore feruari aliquando videtur, vel potius quiescere & suas ad tempus actiones intermittere, non eas tamen quæ à natura dicuntur emanare: vt pote quæ voluntatis imperium nequaquam sequantur, temporeque somni validiores reddantur, calore ad interiora retracto. Primum sentiendi instrumentum laborum & vigiliarum continua & assidua frangitur contentione, somno reficitur: siccaturum vigilijs, humectatur calor exhausti reparatione, dissipaturque spiritus animalis noua elaboratione. Somnus gelidæ mortis imago ita animantibus est necessarius, vt sine eo nequeat vita feruari; vt porè qui sit vigoris sensuum quandam intermissio, ex calor innati ad partes internas motione facta, cerebro frigore condensato, nervorum radicibus obstructis repletisque, qui spiritui vitali, calorigue ex inferioribus influere solitis viam denegant, spiritumque animale ad organa sensuum deterri prohibent; vnde denegatis spiritibus membra omnia concidunt, sensuque exteriores omnino feriuntur. Post tamen omnia redeunt vegetiora; virtus enim animalis fatigata reficitur; naturalisque valentior redditur, calorem intrus attrahendo ad cibos humoresque coquendos, nouum visceribus robur conciliando.

V A P O R benignus exalimenti suauitate natus, eum conciliat, dum ventriculi alimentis ab ore per œsophagum transmissis, cœli non incumbit patiturque suum relaxari pylorum, vt hepar ab intestinis, per lacteas attrahat venas aut per melaëraicas, obstructis illis, inchoatam ciborum elaborationem adiuvet; viscus illud princeps in abdomine, consilio destitutum non est, ceu potius natura, vt enim ruboris characterem impressit, partem per ramos portæ ad primæ regionis partes nutriendas ablegat; alia vero per caum ad cor ascendit per medium eius seipsum transitura; licet aliquid ad pulmonum nutritionem à dextro sinu per venam arteriosam euomat: (in morbois solum affectibus sanguis per pulmones circularur: vt sanguis à sinistro ad aortam appulit ventriculo, perque eius propagines modo laudabilis sit, cerebrum blando halitu replens somnum conciliat. Si moderatus sit nihil dono diuturnius, modus in eo seruandus: vt enim immodicus deficiatur attenuaturque corpus vigilijs: ita eo longiori humectatur refrigeraturque: oppletque vaporibus capite, cathari per vniuersam microcosmi compagem excurrunt. Apoplexia cum stertore breui iugular. Ingratam nobis lucis vltimam paralytis, motus sensusque priuatione relinquit: sicut rerum præteritarum obliuio, omnem memoriæ splendorem, specierum ipsi impressarum absentia aufert. Cum maxima morborum pars à retentis nascatur, exceptoque sudore omnes sistat excretiones somnus, nimiumque excerni patitur ab eius excessu morborum ilias. Longior tamen pueris ob fluorem magnamque dissipationem à calore cuteque laxa & molli prodest: bilis acrimoniam in biliosis vigilijsque humectando temperat, graciles attenuatosque reficit. Obæros pituitososque in humidam frigidamque trahit intemperiem. Nisi consuetus aut cogitatione infirma aut puer senexue, somnum fuge meridianum.

S I C tulit mortalis fors, vt quæ excellentia sunt, si modum excedant nihil deterius sit: res quæ ab vna manans causâ salutaris sit, ab alia planè pestifera: sic somnus naturæ viribus susceptus, sanitatem conseruat, morbos symptomataque curat. Qui vero ab efficta virtute, oppressionem magna, contumaci tum ventriculorum, ductuumque cerebri obstructione oritur. Omnem necando homini tradit operam, communem sensum non modo ligant, verum omnes fere principes facultates actiori quam pro naturæ lege somno sue febris experte sue cum ea coniuncto soporosi affectus. Testis est lethargus perpetuo ægrum in somnum trahens, obliuiosum stupidum delirantemque à frigida humida intemperie nervos madafaciente, tandemque mora putrente, vnde febris lenta oritur: quæ parotide vel phrenitide sanatur. Mortem propinquam denunciant oculi caui, dentium stridor, lingua arefcens, liuor vnguium, sicut circa vultum sudor frigidus & glutinosus, palpebræ coniuuent, respiratio rara, pulsus deficiens, labrum inferius palpitans, excrementorum præter voluntatem humidorum excretio. Arctissimus omnium soporum carus est, sensum, motumque omnem intercipiens seruata libertate spirandi, qua facile ab apoplexia discernitur, sicut à lethargo, materiæ putredine, delirij absentia, febris vacuitate. Nullis æger excitatur stimulis nec vocem edit, compunctusque oculos non aperit. Soporari hic vbi que malum sue ab ictu capitis aut post febrem; excedit enim modum, summum cerebri frigus cum oppressionem arguit, materiam fouet & auget. Mutus de repente à vino moritur, nisi exorta febre, aut crapula soluta vocem recuperet.

R A R V M sane & insolens cerebri symptoma catoche est, à frigida siccâ intemperie, à caloris natui extinctione orta, quæ causam firmiter fixam habet; nec leuiter pressam; quæque cerebrum humido defraudans genio facit attonitos stupere eodemque quo deprehensi sunt statu manere palpebrasque semel apertas claudere prohibet licet oculis lux non admittatur, affecto cerebro nervorum principium in mali contagionem trahitur, vnde consulsio morisque breui succedit. Vt catalepsis natura in tensione versatur, ita in resolutione, comatis, estque phantasia infirmæ symptoma, vt carus abolitæ: pituita simplex & incorrupta extra naturæ leges aucta & in cerebro cumulatâ ipsiusque exolutio & perfrigeratio febrilis ardoris consecratur, simplex coma efficitur, oculis semper coniuuentibus. Mixtum efficit mixta bilis pituitaque pariter in perniciem ægri concertantium cacochymia, quarum mixtione, monstrum nascitur biceps phrenitidis & lethargi; ne vel minima salutis spes affulget, si typhomata febrilis succedat, ob summam virium infirmitatem ab exhausto partium genio: nec maior apparet ab initio, sudariuncula exudante cum permolesca vrina, palpo, tremore, dolore, lactatione, & alui prætrubra proluuie. Sopor omnis à perenni humoris morbifici affluxu, aut à fonte inexhausto frigidique humoris abundantia nervorum cum exolvente prægrandique intemperie sue primaria sue consecratur, primum sensorium lædente genitus sue morbis superueniat sue inter initia appareat, semper vitium arguit malaque ægri res testatur.

Ergo soporari malum.

Proponebat Andegavi, PETRVS IAMET Andegauensis, Anno R. S. H. M. DC. LV.

ANDEGAVI, Apud PETRVM AVRIL, Regis & Academiæ Typographum: Et IOANNEM LE BOVLENGER, Typographum & Bibliopolam.